

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 579 del 14/03/2025

L é stat dat su i lurieres per € 1.427.449,02. Strèda più lèria, marciapé da la doi mans de strèda e n nef toch de strèda per jir a pe e co la rodes per no jir su la statala

Sèn Jan, l é stat dat su i lurieres per fèr endò su l “Pont de Lejia” su la SS48

[Ladino] L’agenzia provinzièla per i apalce e i contrac à dat su la encèria di lurieres de restaure e comedament del “Pont de Lejia”, l pènt su la statala 48 de la Dolomites de coleament anter Soraga e Vich, sul tegnir del Comun de Sèn Jan. À vent la garejèda la firma Cunaccia Bruno srl da Strembo, col rebas del 2,589% per na suma en dut, tout ite l cost per la segurezza, de € 1.391.600,74.

L intervent l portarà mioramenc de calità de duta la infrastrutura, e maor segurezza a chi che va a pe e co la roda.

“Lurieres de restaure e de comedament del Pont de Lejia su la S.S. 48 de la Dolomites (Opera n. S-955)”

[L Projet \(Opera n. S-955 de la Provincia\)](#), de chel che se à cruzià l’Agenzia provinzièla per la operes publiches, perveit de fèr su na neva soleta de peton pojèda sun doi pilèstres che servirà per tegnir su tant l peis del pènt che i peisc secondères. La strèda la vegnarà slarièda e la sarà lèria 8 metres, con n marciapé da 1,80 metres da duta does la mans de strèda con apedejù n guardail per ge arsegurèr na maor segurezza a la sacotanta jent che va a pe sun chesta strèda.

L é ence pervedù de endrezèr n toch de strèda per jir a pe e co la rodes, lonch presciapech 100 metres e lèrch 2,5, che jirà enlongiajù l Ruf de Pantl encrojan la statala sotite stradon. Coscita vegnarà schivà i dejèjes per la viabilità stravardan la rodes e chi che va a pe che sun chesta strèda enlongiaju ruf.

Traduzion di Servijes Linguistics e Culturèi del Comun general de Fascia

(cdt)